

雪厓先生詩集

金徵士守正文集序

文章關氣運之盛衰者士之通論也然其或傳或泯則繇於或正或失之異焉觀之西漢文章猶有六經之遺意繇東漢而後漸失矣至唐之韓子乃歸之正焉繇晚唐而後又失矣逮宋之歐陽子復歸之正焉繇晚宋而後又失矣逮元之范楊虞揭復歸之正焉今天子統一字內教化之行無遠弗届文章歸

正肇自

上意朝廷制作悉循於古雖山巖之士皆承風而知所趨余處草野之中竊常慕夫古之作者而金徵士守正與余交之久每論文之高下得失未嘗不意合也余至郡城守正示余詩文若干首觀之既乃作而曰當氣運方盛之時而有是作信乎文章之正者是以為後進之楷則也嗟夫韶濩之不奏而箏笛以

為樂絢纘之弗用而綺縠以為華斯之謂庸
俗之耳而凡陋之目也孰思夫文習之教而
歸之正者哉觀守正之詩文繩準既合異於
放蕩風教攸係異於淫靡雄如山岳不淪卑
下潔如冰玉不涉蕪穢海內之文章漸趨於
正大之域觀於守正之所造有以見之矣余
淹滋餘景而志猶未已豈瞻昔人尚願與守
正俱努力焉

洪武壬戌秋石門梁寅序

金守正文集敘

古今論文者多矣然求文之古者莫如六經而六經之古者莫如書易雖出於包羲然有畫無辭必坐周而後卦爻之辭備詩雖盛於周而賡載之詞已見於有虞之世然則求古文於六經當自書始夫子定書百篇刪詩三百皆所以參萬世彙程而不可多者也後之學文者能求文瘞於書學詩者能求詩法於

詩度手與好古者矣然文章與時高下而光
岳火氣分合不齊士主與時者所遇既有分
合火殊則異發而燾文者夫自然有純駁火
異今觀異炳炳琅琅而蔚然黼然者必與生
於天下混一火時此唐火韓子宋火歐陽公
所以獨步於後世也蓋二公之文制作如書
而異詩亦可繼三百篇火後何者以異一出
於正也彼柳子厚二蘇兄弟異文非不美也

然皆崇異端之教涉不正之塗學者雖以配
韓與歐然世之君子不能無議也乎臣
京師數年所見一時名卿大夫以詩文鳴者
固不暇一二數然求異合於古之作者蓋大
戛戛乎其難矣謝官南歸始識金君守正於
清江之上弁父論文深有契於乎此者一日
出與平昔所爲文若干詩一編讀之觀其津
度森嚴辭氣雄渾雅澹踈宕溫潤而鎮桌視

波肆意於刻瑇藻飾指霄壤不降非與蕉志
好古研精覃思何以臻此且以君之年今方
五十則與暮年所坐與可量乎余重君之請
故喜而爲之書

洪武十五年龍集壬戌九月重陽日登仕郎
翰林國史院編修官致仕同郡張美和序

雪屋先生詩集目錄

卷之一

四言古詩

五言古詩

卷之二

五言律詩

五言排律

五言絕句

卷之三

七言古詩

卷之四

七言律詩

七言絕句

卷之五

雜著

雪厓先生詩集卷之一

文淵閣大學士兼翰林院學士男幼孜編

四言古詩

歐陽惟謹索賦環山堂

瞻彼東雲有堂翼翼：君子是營爰究安宅。維堂孔碩
繚以羣山君子攸居既燕且閑。彼山伊何如拱如揖
以考其槃福祿來集。維此君子宛々令儀厥猷允塞
令德不違。乃詹斯堂載頌載禱眉壽無彊保艾爾後

本泉詩

維彼泉流其原混混。海委河輸孰謂無本。君子之學切
問近思樂善不倦日監在茲明訓具存至理攸屬一息

不停往過來續幽觀玄探妙契疾書聖賢之旨逝者如斯

題劉氏家範有序

右劉氏家範一卷劉隱君德昌所撰也隱君學行純潔
貞已不撓戶庭之間長幼敦肅州閭之內公私和洽
君子無不推服之家範之作蓋本諸身故條次詳密
訓迪有法子孫奉而行之則世為懿德之門推而達之則
鄉之善俗日新而月起矣於戲垂裕後昆非有德有言
者不能而防範人道圓規方矩不惟求之是編又當
隱君不言而躬行也係之詩曰
於惟劉氏為里清門宗支百世既碩且蕃燁々隱君作

則後人詩書是崇禮義是敢正位男女昭序族姻柔焉
事長孝手奉親慶已維儉治生在勤田宅脩飭膳服齊
均翼。寢祠祖考之安鬱。松楸丘墓嶸崿周旋凡役
公務實先率循常則私意莫干故舊不遺鄰里相歡有
庶有讓弗僭弗愆嗟尔孫子凡百勉旃小心夙夜克佩
斯言違曰恃德不敬于天矢詩以歌俾勿墜焉

五言古詩

錢太守回塘先得軒

西軒夕澄霽碧泚泚回塘羣動一以息圓暉流素光蕭
條紫氣滅窳冥塵慮忘道人方燕坐肅容正冠裳玩此
蟾兔影愛彼菰蒲香微颿汎前除一詠復一觴消搖澹

無與高潔恒自將默省契玄理
弦望固有常天道實不回
人事其可量垂纓見白髮
戀闕寸心長

夫容詩

灼灼夫容樹繁采並參差
朱蕤擢穠秀綠葉垂高枝
嗟彼豔陽質永懷遲莫姿
涉江時見采泛水或相依
豈憚朔風厲聊分西日輝
寄言山中客誰與集棠衣

上丁即事

皇文洽靈澤春薦式在茲
登豆羞庶品芹藻生光輝
焚蕭禱庭燎起視夜何其
裸獻肅登降俯仰何委蛇
朱弦諧雅奏赤芾盛光儀
優々

聖人教神化與天齊
結髮已學道獲聞禮與詩
拜下

明訓恪恭禮無違載歌清廟什于以贊雍熙

雪印上人和陶靖節遊斜川詩效作

掩卷坐日晏意倦聊復休緬懷百歲內曠彼山澤遊濠
梁滅往迹言詠川上派出沒俯游鯨容與狎翔鷗塵世
寧不悲瑤臺成古丘陶潛稱達生吾豈斯人儔興來持
一觴自酌還自酬卓哉東林士其樂有此不幸免儋石
儲不為軒冕憂攝生貴止足知命復何求

寄石門梁先生

徂景忽已晏茲歲聿蹉跎離居積幽念懷人將奈何睇
彼西北區遙峯鬱嵯峨中有冥栖士披雲卧嵩阿澗戶
滋蘭芷松榻綠薜蘿羣經劇探討皓首志匪它名理析

毫髮講說嚴不頗於焉開我人惠澤揚洪波孤鳳鳴
日瑤瑟希雲和伊余仰絕軌扳髀碩豈多含情復濡翰
惆悵龍門歌

贈李孟暉赴京

玄冬降霜霰行子趨上京楊裘白狐腋寶劍蒼龍精胸
蟠五色文垂彩耀華星明時需才俊待遇恩匪輕嘉猷
宜密勿直道資力行芳譽延宣室不愧漢賈生如躡清
江上寒雲復南征首路戒明發僕夫抗前旌願言重握
手何以尉中情載瞻雍熙治勗尔揚令名

贈廖子京何紹德之京

束髮被儒服而無希世姿中歲邁休運始与雲壑辭玄

豹煥文采紫鳳何威遲名都會冠蓋廣陌擁檐帷適時
貴有道得志行所為用舍雖異趣隱顯亦其宜虞廷斯
接武元愷同雍熙謬余衰朽質樸拙空自持仰瞻鴻鵠
翔比翼相追隨金門瞻高步寥廓起遐思

賦何氏東閣梅花

連坂下玄陰衆卉淒以肅瑤樹榮佳花孤標尚幽獨冶
容羞桃李寒豔敵冰玉凜冽清裁持菲芳意足夫君
乘高絜門徑稀塵躅東閣散朝曦暄風一何馥長謡激
高興從倚窓遊目水部迴千秋新詩竟誰續明當理珠
佩浩歌泛醴醕眎彼姑射仙因之上黃鵠

慶範菴舉孫

仁者宜有後種德恒必昌倚蘭茝其秀奕葉何芬芳廟
見始踰月和氣洽滿堂丹砂流虹采頭角生輝光嘉名
嚴肇錫貽訓徵義方炳：忠肅宅我：遺直坊實蕃知
蔭美源遠信流長祖武諒可繼青霄遲翱翔

南昌鄒思敬梅林道隱

伊人熊豹姿皎若冰玉質夕嘯漱紫霞晨吟披道帙瑤
軒涵水木生白湛虛室午夜上清塵翔鸞朝太乙

杏莊為錢士荆賦

清門重吳越令德世所稀陽坡翼崇構林杏何霏：蔭
接澗苔潤叢分山木輝丹花耀石楯碧實暎緇幃鳥下
晝逾寤虎馴年不饑疲癯僊蘇息稚耄競依歸惠澤類

陰騭神功侔化機道存名自勝意愜理無違相業訢
致仙蹤誠可希待尋嘉樹傳與望碧雲飛

傳時憲宵梅軒

瑤軒秀孤卉不與凡木同受性最高潔凜然冰雪中君
子觀所尚蓋彼桃李容聞香步微月汎采隨天風歲寒
保夷白吟嘯日相從永懷羅浮仙并憶孤山翁消搖謝
塵鞅清興殊未終

贈別張司訓赴恭還山

結懽常恨遲惜別何大促之人黃綺儔言歸望空谷握
手一長歎四顧增躑躅古道遯悠々羊腸坂詰曲微波
動泮水采藻不盡掬有鵲嘯喬林仰止悲白鵠伊余重

栖屑俛首慚樸樸書策諒在前虛名徒竊祿逆施畏日
晚而豈心所欲相逢忽中路素髮照車轂巢雲戢文羽
逝宵逐雞鷺南山桂可樵北山稻已熟行矣賦考槃希
音尔金玉

岐陽樵隱為陳伯淵賦

遺榮謝朝市屏迹在丘樊樞櫛不掩脰而有好奇顏晨
興或持斧長嘯入雲間松枝市地垂薜紋自斑斑白鹿
下長坂飛鳥相與還流泉堪獨酌石髓可以餐匡坐歌
南風取琴一再彈虞姚邈已遠悵恍勞心魂企彼蘇門
生高躅揚清芬浮名寔外物軒冕何足言永語區中人
卑：徒自喧

訥生詩為承差張以信賦

賢者敏於行君子戒多言喋喋不自慎舉措生過愆樞機有榮辱凡百斯靜專使命古所重咨詢宜勉旃

送李子高省兄江津

首路屬西陌攬袂事遐征沉憂惜離別感此兄弟情三歲曷云覯骨肉恩豈輕雲漢望飛鴻原隰題脊令悵焉忽四顧胡為此榮、淺渚夕漲微九阪秋露零仰止日與月上下弦復盈契闊在友朋猶懼鮮合并怡、共懽愛誰與濯長纓三峽寒木折洞庭霜月清明發當有行寤寐不遑寧願言展良覲嘉樂保忠貞以遨既以遊永許同令名

歲二十五夕郡庠同鄉公輔邊伯謙對酒遣心
梅簷息寒溜蘭缸粲餘輝蕭條歲云莫何以寫我思幸
有一斗酒相與斟酌之其虛復其邪攜手當同歸

楊子深湖東釣隱

開軒面湖水地寂無垢氛湖光澹容與魚鳥自相親富
貴非可慕賤貧何足憐蘅椒樹後圃桃李羅堂前有酒
日斟酌鄰曲四五人豈愧漁樵侶聊隨麋鹿群白日下
空谷曩持一竿惟應滄浪叟可與洗心言

題張氏委心軒

淵明高世姿磊落不可羈一官辭彭澤解組忽如遺山
水恣嗟嘯野老共遊嬉有酒日為樂豈憂寒與飢委心

順大化去留安足疑
葵菊多新花松柏無舊枝
四序迭相運榮瘁匪我私
緬彼塵世中萬物同醯醢
難變滅先朝露擾々將何為

李伯文停雲軒

索居既已久駕言寫幽思
開軒酌春酒三復停雲詩
親友缺談讌東西竟何之
風波接平陸講習阻良時
有善今未見有過今豈知
恨無雲間鴈為我一寄詞
寸心苟難變皓首以為期

寓湄湘秋懷三首

蕭々白楊樹烈々多悲風
呼號萬賴發淒切鳴寒蛩
志士懷苦思中夜換孤桐
幽絃不成調此曲何由終
燁節

世所忌直道誰見容小人樂夸毗君子惟固窮營八
紘內焉知義所從

秋雨灌百川流波浩茫々玄雲結曾宇寒日少精光嘉
樹遂零落烏鳶號且翔沈吟思未釋屢履步長廊契闊
念佳人淹留寄他方山川路脩阻慘澹別日長既牽携
手好寧知容髣蒼悠々慨晨夜寤寐不能忘

悠々東山下渺々官湖上蕭條瓦礫墟四顧增悵恍先
哲邈云遠伊昔覲遺像祠寢備兩楹薦裸亞素王高風
散寥廓俎豆倏已喪絲竹飛塵煙蘭芷變草莽斯文豈
下衰天運寧終往循環諒必復萬世同所仰

懷山陰

惟并歲欲謝朔風淒以寒飄遠征人行色何辛酸骨
肉雖在眼惻愴難為懽朝食古城下夕宿河之干容體
變顛顚垂老不遑安白日行青天光豈照覆檠戢塗無
夷跡曠陸有驚瀾茫茫穹壤內百歲何當還大運自古
來胡為增永歎

留別謝子平

逝水絕回波游雲無定姿滄洲歲忽晏惆悵從此辭宛
宛托言好我懷君所知人生意氣豁感會良有時芳佩
纈蘭芷解贈何陸離豈無瑤瑤玉諒與金石期握手臨
當發為君復徘徊勗哉保貞曜庶以慰所思

秋懷

丁未歲

商飆入庭樹遊子復驚秋陰陽有迭運撫景何易流紅
槿秀朝曦感之坐沈憂區、百歲內第宅成荒丘富貴
豈不好飛仙不可求緬懷古達人秉燭以夜遊

白露昨夜下豐草今日腴長樊曉鳴鵲玄燕將安歸柰
意正蕭條行歌悲式微愁雲千里起落日心神飛周道
翳荒榛臨岐多是非誰為招隱者製彼芰荷衣

陶令賦停雲思情何依、余今誦采芣却歎轉徘徊大
火向西流涼風生翠微錦書無咫尺欲寄不能裁結桂
徒延佇嘯歌空復懷惟應千里夢可以接清輝

施氏隱居

閒居得深趣外物徒自喧山水共澄曠榆柳蔭前軒園

蓄正柿架綠酒方盈尊延想坐長嘯來至欲無言

胡孟敬畊閒詩

前山雨新霽稚綠熙初陽窈窕丘中趣淳風慕羲皇丈
人荷篠者畢力事畊桑夫須織成笠蕉葛緝為裳未識
軒冕貴居然塵慮忘樂歲盈廩庾暇日集壺觴庭階散
鳥雀隴阪下牛羊晞髮北林外濯纓南澗旁時尋采苓
客歌嘯共相羊愧我坐羈旅為尔懷慨慷

夏夜偶興

昭々素明月流光墮我前靈輿從何來微涼汎西軒對
此不成寐清意安可言餘酣醒毛骨伊欲淩紫氛下上
驚鶴背矯翔天門金童青霞帔玉女雲結髮扶桑植

東海若華照西偏下視塵世中諒若蟻蚋然萬期一回
首誰可與長年

立秋夕同竹所步庭中作

白日遽西沈餘歡不暫息披衣步庭際夜景方窈歷候
鷹未南翔秋蛩已在壁睠我素心人徘徊語終夕

遊慧力寺簡住禪師

山氣變朝采此地佳有餘谷鳥上下鳴宛然塵外居上
人論緣業土室多寶書吹螺振龍象珠玕絡襜褕慧燈
窈不滅靈燄照空虛伊我嘗學道一致非殊塗衣麈身
逾腴食淡味自腴甘與木石友不羨駟馬車偶遊青蓮
界如拾明月珠素襟迴蕭灑涼風與之俱石壁堪掛冠

竹林可携壺徐步行消搖三五相與娛萬境坐寥闕聊以順吾初

寄聶器之助教二首

良辰不易得游好數相違興言念君子何以寫我懷出入若相避嘉會遂叅差江水日東流梁燕自西飛秋闌既已折春草復萋萋離別且勿道諧燕終有時引領以長嘯南望寄此詞

仲尼脩魯史微志繫東周王章存筆削千載垂鴻猷自非問學精詞旨不易求先生啓其秘陳義何昭々之子願卒業指授亦已勞大匠無棄木瑣屑皆見收朝夕苟聞道寧忘川上游

同吳仲權道紀燕集仲權留宿館中有詩因賦
此

朝飲東鄰酒莫與佳客還東風從何來忽吹雙髻斑
匡坐論文史稍々燈火闌世人徒汨沒而我心自閒
道義明於日富貴若浮雲緬懷紫芝曲不吟行路難
嗟彼兒女子悅此好容顏豈知泰山曲松桂安可扳
惟尔服高誼宿昔慕先民屢空寧足歎飲水當自歡
矧余共携手聊可諧晤言三復七襄詩永矢期弗諼

王學敬雲林書屋

寂々雲林下中有揚子宅不聞車馬喧所見惟載籍
盥一室內無乃玄尚白庭草書帶青池水洗墨色聖賢

必相對弟子皆在側豈乏苜蓿盤日旰不遑食窮年悴
容髣分陰為之惜金匱傳芬芳勗尔崇令德

瑞筠山松風江月亭金門羽客方方壺作圖

泠々松風清團々江月白禪關寄虛空孤亭坐寥閬以
茲聲聞覺非相亦非色暇日一披圖猶想金門客

賦宋茂中玉樹蘭幹凡十五花

猗蘭在幽谷綠葉何菁々幽花綴碧幹三五如珠纓移
之置高堂衆卉焉敢爭濃芳滿衣袖軒砌有餘清

黃氏春暉堂

慈父既已殞母氏亦勞止孀居撫孤遺身存心欲死悲
風號林木有淚若傾水奄忽白日徂形容獨憔悴兒癡

辛巳長豈識艱難理朝夕上高堂聊得備甘旨昊天諒
莫報惻懷不已但願吾母壽遶膝怡暮齒

倪子中樗閣詩

山木絜百圍而以樗散言擁腫廢繩墨不為匠石憐丈
人樸且拙陋巷甘隱淪素乏挈筭智蠢若抱甕然麋鹿
日為友鴻鵠難與羣吁嗟漆園妄聊以保天年

永思堂詩

霜露乘夕降玄序淒以寒重闈邈已遠惻愴為心酸幼
孤賴撫育義重生我恩返哺慙烏鳥此恨安可言桑梓
遶舊宅松檟翳孤墳藏書倚素壁慨彼手澤存寢寘上
高堂俛首徒銷魂

和吳仲權賞紅藥詩

西軒集幽賞微雨灑前墀良辰逼春莫紅藥粲芳蕤君
子樂嘉會豈復歎睽離努力愛春華松喬難與期永懷
托言好結驩常自知載歌清廟瑟勝彼白雪詞消搖且
終日把酒慎勿疑

石門贈周存誠因次其韻

久客念游好時序忽若流引領蒙早北曷以解我愁去
秋下馬浦庠舍幸少留清論何激烈微義資講求後塵
仰絕軌此志竟莫酬啁啾百鳥吟孰與孤鳳儔黃髮垂
九袞食飲尚健不有美周逸士遠訪林廬幽新詩復貽
贈詞藻麗且道嗟余坐拘束焉得從之游臨風發浩歎

唯用岐精脩

黃子善建焚脩之果乞詩贈道士郭公無隱
齋居肅祠事推孝以顓天羽人汾陽裔駕鶴來瑯環
珮曳明月冠帔淩紫煙結髮已學道冥心玄又玄闔闢
生死戶旋轉天地根坎離交龍虎製煉魄與魂北都撒
泉府南宮錄上仙按弄昇天曲金童相後先神光垂碧
落真氣弥丹田稽首虛無境葆和長自然

題吳維閏將軍山林圖

終歲倦行役靜契在山林
姓雲披窓曉閒花落溪深
索居猶寂寞清言諧素心
茲事誠有慕吏役方見侵

雪屋先生詩集卷之二

文淵閣大學士兼翰林院學士男幼孜編

五言律詩

贈醫士王伯江

客有采苓者人稱辟世翁
能明六脉訣多著十全功
雨砌藥苗盛陽林花樹紅
丹田未須轉收穀比年豐

贈阮孟敏赴憲司掾幕

抗旌初未發酌酒此城隅
黽勉事行役辛勤念簡書
官河秋水淨驛樹晚烟疎
莫展清商曲霜華已滿車

贈涂主簿友謙解任之京

白鴈南飛日金河首路時
別筵歌送酒祖帳錦為詞
漳

落鮫人室霜清水府祠即唐鸞鳳羽散彩近龍輝

題傅築交卷後

野老幽栖處山深似傅岩簷花迎露拆階樹與天參玉
煥雲生石珠涵月在潭相期繩祖武版築亦何慙

送歐陽紹永應之京師

捧檄辭鄉邑函書向日邊江花明祖席驛樹送官船城
闕雲霄上山河錦綉前平生負經濟應不愧諸賢

夏日遣興

閒庭沐微雨燕坐有餘清蛛網縈絲墮蜂房釀蜜成官
茶宜當酒野菜可炊羹只尺雲山外誰知麋鹿情

移菊

西風初破蕊幾日又重陽
斷處猶粘土移來更作行蓬
蒿寧自蔽蜂蝶不須忙自此
無塵事題詩徧艸堂

題張子章道士龍虎山訪道圖

羽人留侯裔訪道入名山
曾与赤松遇如從東海還
丹經傳秘檢玉籍注仙班
後夜翔寥廓簫笙烟霞間

清齋詩為郡守王亨賦

郡齋吏初散燕坐無垢氛
槐影自臨砌山光時到門
鞭笞既罕用文史足餘閒
惟悟清心法令名垂不刊

郡庠逢小除夕感懷

屢卷坐清曉江城逢小年
爐存烟滿榻室破雪侵簷
而此猶為客何人不祀先
羈懷轉牢落未得賦歸田

題吳江釣隱

垂釣吳江上新人隱者徒水雲隨阜帽竹樹接烟壚身
世風埃外形骸放浪餘吾生半羈旅為尔憶鱸魚

清明日思親

歲々清明日傭書未得歸先墳違灑飯孤館漫沾衣桑
梓晨烟迴松楸夕露微傷心南望久何以報春暉

有懷謝君進

從官五千里西望意長懸木落洞庭外山高白帝還風
烟憐遠郡離別惜經年日想公餘後新詩復幾篇

贈戴行甫還高州兼寄文學鄒謙德

江柳作飛花輕帆向海涯故鄉翻似客行甫本洪州人

亂後客高涼因家焉殊俗却為家鴈斷高天遠先行可
在洪鴈啼落日斜為詢文學掾應許寄丹砂

贈南山寺僧之京

林花飛盡雨山寺送行舟欲演西方教還從上國遊鉢
衣霞采近金掌露華收猶想隨鳴磬留題到虎丘

夢亡從子方之

念尔歸何處茫茫已十年精魂猶入夢風骨自堪憐竹
皮殘書在瑤華好句傳芝蘭苦摧折造物意何偏

清江縣學生傅溫充賦京師

賢材充賦日祖道問京華春色照行李光風汎去槎御
溝晴洗馬宮樹曉啼鴉佇聽陳三策鳴珂出殿衙

再贈渝庠周士韶

官船穩勝屋江水淺如坳粉郭樓臺合青天霞樹交屋
注龍入貢阿閣鳳來巢在泮吾衰矣徒勞究象爻

除夕用子美杜位宅守歲韻

此夕最思家江梅幾度花能文慚倚馬灑墨笑翻雅擊
鼓傳觴急狂歌插紉斜明朝又新歲春色滿天涯
竊拙久似家髮短謾簪花南浦叫寒鴈東方啼早鴉桃
符殘墨換銀燭絳烟斜不寐共今夕狂吟興未涯

驚蟄日雨

殷、春雷動潛虬劈石開節從今日換雨向一天來老
農宜播穀客子正持杯未覩授時曆徒教書觀臺

春日訪蕭用濟因次其韻

最愛讀書處高樓百尺過好懷傾北海雅調似東坡江
上白漚近城頭春艸多相看髮已短其奈旅情何

五言排律

仲冬甲子朔旦冬至呈錢太守

甲子開新曆初陽兆物華一元天地運九有帝王家綵
綴明江郭班聯列郡衙佩聲揚水玉鼓震襍金笳簇仗
排雲直疑香繞霰斜龍亭浮紫氣鳳旂引丹霞禮肅儀
逾慙歡騰喜莫涯歌呼如擊節蹈舞類傳芭愛國忠誠
切尊君望眼賒黃堂優治理綠野富桑麻道路興輿頌
閭閻絕怨嗟心清冰在壑身潔玉無瑕泮水同思樂諸

生畫拜嘉誨言常惻惻理廢極梳爬芹藻光輝滿菁莪
德澤加布衣徒竊祿綺席亦簪花潦倒情尤洽怡愉語
不譁志微存井渫道在豈艷瓜願共隆平治兼全福履
遐成詩慙錦綉敢向使君夸

人日次韻酬彭先生

開年連上日姓景最宜人硯滴銷殘凍爐烟動早春農
祥占例載文物慶昌辰縷勝初簪燕餅羹未薦芹玉枝
蘆筍短青出草芽新近谷驚先乳垂檐雀自馴雲山常
入夢書閣暫容身撫節需良會無嫌枉顧頻

己未元日奉呈敬仲王太守相公

鳳曆開新紀麟符協瑞辰一官心似水三邑物皆春接

地風雲會從天雨露新山呼聞海岳玉立映冠紳合德
禎祥集承恩寵數頻丹衷惟報國素志在勤民召杜齊
歌詠殷黃並擬倫嗟余徒瑣々賀臆獨津々敢倚龍門
重欣同尺蠖伸頌言常道泰早覩覲楓宸

寄題何友直南塘齋

蕭灑南塘路于今勝跡存將軍無舊客百世有諸孫綠
竹元臨野黃花故滿園雲霞生几席風月伴琴樽道以
家聲重文從稚子論山林真可悅軒冕未為尊暇日多
朋好幽居少俗喧每疑同栗里何用說桃源猿鳥時相
近漁樵或共言題詩懷杜老未得一過門

春雪次鄒孟章韻

霏：呈素采隱：失青陽拂樹瑤花細隨車縞帶長簷
踈霑晚燕臺近眩晨粧高切神仙佩雙明玉女璫侵衣
迷鶴氅映字奪螢囊凍合秋千院平鋪蹴鞠塲年豐宜
作瑞早兆麥雲黃

五言絕句

題畫扇

北山吟桂樹東海月初生冠帔涼風入誰知塵外情

別鶴圖

上弦驚別鶴又見寫成圖遼海秋風外蒼松猶未枯

雪厓先生詩集卷之三

文淵閣大學士兼翰林院學士男幼孜編

七言古詩

海玄歌毗陵學道之士池德激索賦

育客飛雲泛瀛海搏桑東枝秀五采仙人伐鼓蓬萊宮
手把芙蓉笑相待笑相待祭玉齒千文綠髮億萬歲方
瞳照人秋水光舞鳳迴鸞五雲裏長跪問仙道乃玄
之玄馭景黃庭播穀丹田長生之始一氣之元和為馬
芳靈為轅下上日月隨風烟食沉瀝兮食正陽素霓作
衣綠雲裳後天不老而獨立兩臉紅白眉秋霜嗟我造
化神曾不外我形舉手一長嘯至道安可名海波見底

淺復清按歌時弄昇天行南山未枯桂枝老遲尔東來
遊玉京

贈默淵少儀二道紀

龍城玄武飛仙宇仙人東來開紫府霓旌搖々青天中
翳鳳驟鸞耀如雨四方官印白玉牒黃金為編翠為組
錦袍掌政大祝廳旋馬當年何之數黑衣小奴並雙鶴
叉手臨階亦鸞翥群山樓觀森指顧按樂神洲隨上下
天花飛墜夾容城跪轉河車來玉女吾

皇神聖御長策丰據飛龍登九五垂衣高拱治無為精
一心傳稽舜禹早知玄門有道氣弼亮

皇猷司下土自然清淨著名教為問軒轅去何許崆峒

弓紉留白日猶載廣成舊家譜小儒筆硯徒碌碌結髮
從師學東魯尋常言笑過脫略肯與凡流浪為伍興來
吟弄昇天行不讓雲間學仙侶森然毛骨敵冰雪倒掃
三花戲玄圃後期更待三千秋長嘯烟霞共賓主

明農軒為文瞻作

東皋草綠牛正肥青田初及耕種時驅牛曉出鉅春州
兩肩負耒行隨之田中水映浮翠浪螭蝸產子如珠璣
味々鴈鵠躍且喜牛背側腦看斜暉手把耒耜廣深尺
微雨東來沾穰穰農家生計何苦辛從古以來說艱食
白梁紅稻種與種黍稷九穀冀疇美疆隨土宜
高下肥磽無不足先生抱才人更嗤短衣飯牛人豈知

西風箭急吹野水白眼直視揚兩眉於乎尔祖明農著
周誥尔今已向山中老

賜谷歌為陳隱君寅賓作

海濱之山仙者居根不土著浮空虛六龍整駕奮鱗鬣
羲馭把轡同馳駟扶桑拂羽三足鳥陽夷東表神所都
丹霞飛光夾左右倒影直上橫天衢仙人被髮倚長劒
浩歌絕頂誰與娛或時上跨黃鶴背或時下探驪龍珠
駕風鞭霆無不可躡景御氣隨所如金莖垂花挿雙鬢
青葱織翠敷長裾曾觀混沌鑿七竅曾看東泉種白榆
左叱陽侯右叱天吳浮羯駭汗群龍趨何當更為斷鼇
足五山不動奠九區此日之光兮長照萬古聖人在上

萬物斯覩

送周教諭子獻先生之京

聖人御極四海清中天日月昭文明干羽之舞韶九成
多士濟々紛來廷為國楨幹基太平若人布袍身八尺
蟠胸素有經濟策先王微言多剖析昔賢行事亦指撝
是乃廬陵老宗伯煌々徵詔下九霄伊我髦士何翹々
張羅以禮示不怵茅彙征吉同風颺萬里逸氣尤飄々
先生此行既特達豈謂厚積而薄發致君堯舜在黼黻
館閣才猷真密勿衆星璀璨雲勃鬱塞余謬菲時追陪
如迺雲漢瞻昭回西風驛騎遙相催江波浩渺難為懷
佇聞吉語從天來

壽敬仲王太守相公

我欲脂東皐群王之峯以為脯酌清江九曲之水以為
酒手招方壺負嶠之飛仙來上我侯千歲壽千歲壽長
食祿綠髮虬髯面如玉紅袍綺綬金錯帶坐署官衙政
逾肅一時意氣凌絕塵獨立雲霄見黃鵠賴川渤海未
足多接武虞廷十二牧青春入奏上九重鳴珮珊、動
金屋至尊錫燕禮殊數夜醉天街秉官燭材猷俊傑天
所生浙右何人並高躅或時一長嘯發興在篇章最愛
謝玄暉要與參翱翔清詞迴蕭灑銀漢瀉秋水翠袂
西風不遣纖塵起天香霏々九萬里丹桂庭前露如
綉筵絲管激青雲、裏長庚映箕尾小儒再拜蹈

作客龍門助深喜，寫詩聊得比崧高。有使前人有專美，
寄前制授真人方方壺。

昆侖翻風滄海枯，平生所作知幾圖。方壺道士上清客，
雲霞衣裳冰雪膚。胸懷濩落落天地，虛脾睨日月隘八區。
朝遊閬風夕玄圃，東走碣石北幽都。放情海岳隨所如，
手攬造化供臨摹。人間寸紙不易得，者不愧雙明珠。
我懷武夷山，無由寫半幅。山勢極清妍，陂陀皆九曲。曲
曲下臨川，光浸寒玉。其中山人結茅屋，長年著書，
未足陰厓蕭森。縣古木陽谷靈芝秀，紛馥菓由一去不
可復。夜灑青瑩明，月獨嗟余心事胡局促。何日相從駕
黃鶴。

題高孟文延桂堂

我愛君家堂前之古桂，偃蹇連蜷知幾歲。根蟠厚地如
赤虬，旁蟠扶輿會元氣。孤漂誕，削寒玉密葉團，蔭
繁翠。蔭繁翠似連，蓋廣寒宮闕。今何在？吳剛仙人愁不
來。竟日秋吟漫相待，高揮玉斧臂欲斷。誰道艱難有千
載，秋風吹桂樹。明月照我懷，起行視天宇。逸興真悠哉，
振袂劃長壟。意欲凌氛埃，遙吹紫鸞笙。飛步登上台，銀
河舞無綫。天門正中開，天公頌玉女。勸酌九霞杯，大笑
世間人。蟠，胡為哉？六龍西去東復回，扶桑若木枝半
摧。君家植德世已遠，此桂當年誰所栽？何當同攀援，感
此長大息。小山賦銘隱往事，亦陳迹。人生匪行樂，百歲

復何益幽厓蒼々上千尺日望飛雲遶空碧安得佳人
天外来共拂秋香醉瑤席

送前編脩周益東再應辟之京

大江之西天柱峯高々上與元氣通先生隱居在其下
腰佩寶劍多光價衣纓蟬聯世大科奏賦曾上金鑾坡
揚々位忝名法從豈愧消搖老供奉

太平天子乘六龍一輪紅日青天中玄黃廠籙來萬國
衆星拱天北極

皇圖聖壽於萬年先後左右多材賢鶴書尺咫文五色
岩穴何人不幾迺先生此行未可辭吾道籍尔經綸之
翩々雲漢鳳凰羽盛世變龍斯接武丈夫墮地須有為

王事勉々當駭馳人生惟忠惟孝尔齷齪西家何足比
許國之心一寸丹畢力曾不同素餐煨々炳々在史冊
卓然萬古聲輝赫夫容高花豔滿城驪駒歌罷若為情
入朝正是九月半羨子翱翔偏在眼早逢南鴈須寄書
無忘執手野貽贈青雲老我漫回首富貴功名亦何有
聊將尺牘寫殷勤不盡區々述所聞

見白髮書感

我髮本漆黑始自今日白人生百歲能幾何々事長年
苦為客我年忽已四十強舌存齒弊視茫々一朝把鏡
看白髮々々於人何短長江風颯々吹白楊中夜起舞
爭伯惶沙雞振羽未六月坐感蟋蟀鳴中堂兩輪迭運

四序忙少小有志今未償讀書皇仁空谷聖賢大道
誰主張懷仁輔義恒轅軻此豈泛駕仍騰驤磨肌夏骨
自斲攬環結珮寧鏘微言有會或指掌妙理無窮
真斷腸古來方冊俱爛熳孰與孔孟爭翱翔申商楊墨
尔何有其時約束如駟羊九圍共仰正人紀萬世獨倚
扶皇綱亂臣賊子皆膽泣角崩稽首那陸梁空言述託
寔如此行事分明從所望由來以德不以位昭代廟祀
尤輝煌薄言采藻助薦豆更睹大禮瞻清光蹉跎流落
竟何及短褐蕭條憐互鄉嗟余蹇拙百不當顧影拙
心獨傷釣鼃未向三山去剔蠹空令萬卷藏山中飽飯
聊可嘗有憶江湖多稻粱世路愁人如蜀道更兼風浪

似瞿唐却憶東山公日望東山雲從容持白羽談笑舞
紅裙何用故多憂戚少為樂明當援北斗与之共斟酌
奈何千載間逝矣不可作緱山仙人見如昨萬里吹
笙上黃鸝東風遠醉碧桃花何日因之步寥廓

讀周子諒詩

奇才天所生開口學未能大空作雲雷起陸神妙千年
那得名我吟周子詩俊拔安可當元白捲辟易李杜參
鵬翔畏途九坂罕湏力足躡天梯倚天碧俯身不折金
莖花下視河流出西極神雞報曉海色曙朱鳥揚輝電
光赤從容典則具深嚴迭宕扶疎重赫奕周流元氣互
吞吐旋轉乾坤同闔闢人生有才不易得使我見之為

大咸祥麟汗血日千里戀豆鴛駒終伏櫪近年此道尤
可憐頽耳哇咬爭後先江湖情恩涉誕漫風花光景事
留連由來世運有代謝文章信與時高下自恐齊梁作
後塵誰當屈宋方前駕我誠流涕為君言雅頌無過三
百篇慷慨鹿鳴思野草沈吟清廟拂朱弦拂朱弦真奈
何看雲撫卷一高歌古來作者皆殊列老我無成空咄
嗟

寶劍篇

龍文寶劍珠玉室我善藏之慎毋忽青天把似知者誰
聞向秋風一披拂冷光睽睽岩下電入手鋒鉞變霜雪
生平未試且復休思獻王明有時日憶昔樸坯初冶鑄

混合精英乃神物陰陽翕闢雷火飛五嶽動搖海波歇
山猱驚號魑魅走百怪亡形膽為裂湏臾眩轉如長虹
赤氣上埽挽槍滅秦山橫磨山骨磷河水半淬河源竭
青萍吹毛未足陳莫邪干將此其列洞庭老蛟聞已泣
恐即淋漓領流血朝廷欲斬佞臣頭出匣悲鳴已飛掣
丈夫磊落忠義舉小人悚息奸邪折黃金白壁價莫酬
正直付與當自別烏乎我生何晚晚刺眼生瘳瞋莫殺
直呼斗酒酹肝腸為尔狂歌五情熱

贈別袁宗訓之武岡倉曹兼簡湘潭稅使劉敬初

飄飄文采珊瑚居畫船千里來官湖澄江亭畔忽相見

握手一笑懽如初與君別是五載餘君行矯、真龍駒
名家兄弟盡才俊接武照耀青雲衢桐林德澤自先世
堆林素有笏與書煌、宦譜垂豈弟文學政事尊前謨
聖朝尚德右文治山澤隱迹空樵漁丈夫貴為知已用
磊落豈負七尺軀敬共事職無小大委吏猶表孔聖模
先生經緯固密勿有道隨時從卷舒此行治粟武岡郡
為計不假師溥于荊州禹貢法已定三壤順則輸王租
亂餘民力半凋耗辛苦粒、皆如珠斛春斗激慎勿尔
上下惟允稱良圖由來倉氏職匪薄軍食所寄國所儲
秋郊浩、復相送上馬徑往無踟躕官程或出長沙道
長沙知已今何如三年夢寐隔山岳朔風矯首徒鬱紆

往因今弟曾寄字片紙莫寫肝腸枯煩君明日當問訊
衣線何時看婉愉

七谿歌為鄒性初賦

七谿乃在金川之城南一水橫帶青如藍幽人結屋臨
溪畔倒影澹澹萬象涵七溪之景真絕凡七溪之樂誰
與就由來雅趣君所尚此豈易與流俗談波聲入戶龍
吟雨斷岸復聞黃鳥語西風吹面碧天沈恍惚寒光開
水府踈篁茂樹延脩徑菱葉荷花間芳渚平橋宛轉曲
通流題柱何論老司馬扁舟散髮恣遨嬉入望風煙似
漢陂官道紅塵飛不到坐間時誦少陵詩君不見昔人
濯足滄浪水仿佛歌聲思洗耳地隸還留千載名茲溪

富信從君銘

凌雲篇美郡守王侯敬仲禱雨有應而作也

凌雲之峯天與齊上有天矯神龍之天池天池神湫龍
變化為雨可以蘇瘡痍我侯真天人感此天地心維時
久不雨惆悵增煩襟曉瞻凌雲峯暮即凌雲去手把玉
芙蓉足躡雲中路雲中路為閭神湫渺何處方池儼影
接霓旌只尺冥冥合烟霞即呼東方龍為卷東海水復
呼西方龍為卷西海水中央鱗鬣天門開南北崩騰朱
電起鏗鎗震雷鼓並駕五雷車須臾周八極大地為滂
沱枯槁獲蘇息怨咨成謳歌春秋書大有異畝陳嘉禾
龍不有其功侯不以為德所感惟至誠靈響誰能測

儒作歌諷子墨亦欲上之太史策千秋萬歲頌時和何
必昔人金石刻

玉山草堂歌為李徵君次晦作

李侯家住眉水西雅愛溪山心不移又結草堂玉山下
草堂顏色何光輝玉山蒼々甚蕭灑玉琢夫容落平野
牕戶常分空翠飛階除日抱清泉瀉崔嵬三十六青峯
青々秀出扶桑東晨晞綠髮大霞杪雲際團々初日紅
新栽小樹引行徑好鳥共啼春晝靜平頭奴子六尺強
閒埽落花心不競郁木坑頭郁木枯蕭氏隱居知在無
有時汲水煉丹井倒影空搖明月孤飄々此意何所惜
漢尉登仙人不識布袍上疏天上来却向茲山生羽翼

遂成千載身獨高四七之際名虛逃赤符幸睹六龍駕
剛外徒愁金錯刀烏乎往事役已矣木末清風灑秋水
幾時駕康待相尋雙鳳吹簫五雲裏濯纓結佩南澗陰
芳草未怨無歸心共招白鶴向林舞更聽清猿抱樹吟
羨君此境為君喜走筆題詩泣山鬼杜老窮愁喚不醒
浣花舊宅應如此早歲休官今已閒玉山長好對溪山
只尺莫論衣帶水江上釣舟從往還

讀虞雍公江樓看劍歌

常憶豐城兩神劍往々人間未之見忽睹江樓看劍篇
輒有寒光著人面豫章高秋々氣肅高閣臨江照開燕
錦袍公子淬鶚鷲歛吸晴空色為變差々如帶曉霜薄

隱、猶存數星現志士幽人不敢扳膽掉心寒身手顫
是時天下太平久老將無驕兵亦倦豈知神物非偶然
虎氣騰、夕難辨聖人用之不得已谷可移弓山可轉
長鯨斫斷海岳清千古姦邪命如綫文章琬琰世所重
此劍與之無貴賤但得長留天地間瀛海無波六鰲奠

二月十六日邑庠司訓孔貫道生旦

江城春半無啼鳥雨歇高檐日初曉有客鳴琴發浩歌
開筵跪進長生酒長生酒好須滿斟佳時莫惜千黃金
尼山日月斯文在泮水風雲麗澤深麗澤深昭盛代共
際河清聖人會鳳凰麒麟布郊藪瑞世儀刑此其最先
生儀世夫豈多英才樂育懷菁莪蓬萊三山半天上可

以獨步今如何請為三山吟仙人見風采冰霜厲羽翼
長嘯凌滄海頭州樹皆五色綉戶雲牕今不改今不
改此去未應難神仙事有無痛飲君莫言先生有道希
聖賢小住人間當百年

三月二夕與胡伯春席煥章高允憲同燕鄧氏
齋館得何字

洲序兮柔和審清夜兮若何秩嘉賓兮左右冠切雲兮
巍義敷瑶席兮靡式來燕兮來儀蕙肴紛兮並進播
芳馨兮孔嘉泛羽觴兮飛月挹清醕兮浮波睠今夕兮
何夕誕為樂兮獨多倏余懷兮渺塞玉樹而長嗟胡
百年之易老時卉其蹉跎逝駕言兮遠遊駟玉虬與

白螭騁余目兮玄圃晞余髮兮陽阿無不足兮無不得
因以順吾命兮矢於此而弗化

題豐城黃尚英竹山隱居

黃氏世家劒江上十畝之地多種竹春風歲々長兒孫
姓日階前森似玉君家十世先從父太史雄文誰可續
一門袍笏堆滿牀仲氏巍科並高蜀由來雙井原家々
流派當年多令族竹山種竹成隱居譜牒煌々在空谷
先生執德世所貴尊祖敬宗義逾篤山中歌詠聯纂組
雲錦繽紛光奪目我時讀書灊江上頗亦無心混流俗
仙人拾翠瀛洲來待我昆丘駕黃鵠竹山之山渺何許
竹實懸香丹鳳宿翩然搖曳雙珮環便與吹簫傍山麓

手接北斗寫寒渌雲月流輝照秋屋時得句竹上題
儘過封侯兼食肉西家愚夫亦何物俛蜀鶻籠雞雞驚
丈夫卓犖不可羈直氣轟騰雷起陸交親千里即命駕
騏驎驊騮共馳逐知君高節素蕭灑屢履常歌紫芝曲
杖藜巡簷稱野服小廷蒼苔還自斲朝日上報平安
牘把羣經課兒讀

題錢太守浮玉山人傳後

浮玉之山湖水中出水夭矯回飛龍山人隱居在其下
秀色當戶開夫容山人宿昔面如玉天下有書無不讀
文章琬琰照當時美價連城光奪目世家吳越重清門
廟貌丹青鉄券存自古勲名垂烈祖至今文采繼諸孫

茲山飛舞來東海一片空青半天外神光夜接扶桑日
璀璨丹霞流五采山之人兮浮玉仙曾騎白鶴到青天
銜書親拜玉皇案惹得鑪香兩袖煙紅袍作郡金朱帶
共說能官最蕭灑階前白日靜於水惟報吳儂覓詩債
披圖此日倍悽然二傳空遺太史文朔風讀罷看殘雨
忍聽西山泣杜鵑

題蕭用濟樵嵩軒

西風駟車宦游薄長道悠悠涉河洛嵩高老檜皆可樵
稅駕何由解塵縛蕭條二室走麋鹿懶性平生戀丘壑
憶從鄉書忝朝薦惆悵雲林迤如削得官偶廁玉堂署
文史編劇窮晦朔儒臣載筆乃常分執事未憂筋力弱

一朝陞辭復補外劇縣勾稽紛睹駁寸膠豈救千丈渾
羊腸擬步冰華落坐虞銜槩有顛躓回首風烟徒漠漠
鳳凰銜書霄漢裏白日垂光照地角角中便許歸蓬車
繞籬松鞠都如昨舊編再續兒子誦新酒更邀鄰里酌
松棘栖鸞未足慨延瀨負薪真不惡朝來持斧入遠谷
坐倚青松吟白鶴依碧嶂開罨畫絕似當年望嵩岳
但能飲水療飢腸送老柴門貧亦樂

己未夏旱郡守王公恪夜夢所治廢井有蜿蜒
若龍物者明日命郡士談筠瑞繪于壁為文祭
之未幾雨隨至因題詩其上筠瑞錄于卷屬余
和之遂用韻附于左方

筠翁畫龍真是龍郡壁振撼雷電中龍光上與天門通
歛乘雲氣遊空濛井水照影不可測海若持節紛來從
一雨化作地上金時和安用玉牒封吁嗟龍兮誰語汝
王侯豈弟臨茲土龍兮、吾豈知畫者派形心獨苦

西昌蕭子所讀書處

武山遠出西昌之上游地設千祥如郁木、昔有子
雲宅君從武山並高燭君今讀書學子雲高風偉節為
清門平生忠孝出天性磊落行誼光秋是三年在學教
胄子一日謝官歸奉親、最愛武山好斑衣照耀書
帶州堂中怡愉多壽考春風把酒啼鶯早龍琴羅彈江
水深鶴巢無恙松花老蹇予未歸癡不了泮水橫經事

探討望美人予懷渺、武山雲飛日回首日回首焉得
從之共吟蕭潦倒無庸空白紛武山讀書天下聞

戊辰三月十六夕同彭待之宿周存誠所取虞
文靖公樂府杏花春雨江南之句分韻賦詩得

春字

荷湖、邊三月春棟花飛盡荷葉新、田雨足農事動
布穀學語夜達晨與客踞泥尋故人入坐不知西日曛
兒女出拜俱髻髻視我何殊骨肉親人生有道交有神
高誼不讓雷與陳燈前酌酒、半醺拔劍起舞何軒、
華蓋之峯碧嶙峋文章光燄摩星辰昔年累直金鑾殿
四朝侍從老儒臣一時義烈揚清塵清詞千載餘芳芬

誦之如奏清廟弦使我慷慨神凜然風流異代隨飛烟
未知今夕是何年結盟自期金石堅佩纓有待徵斯言
數待之書聲之先生之從弟也壬辰兵興僑居
南昌之石岐洪武戊辰三月來會先生之葬於
郡城始克相見為余言其別業之勝號曰浦園
遂歌詩為贈

昨日曾吟蕙橘些今日又賦浦園詩托交二妙感今昔
此意悲涼誰復知蕙橘舊宅遺簪笏浦園更近鎖蛟室
先生自與世情疎跡滅跡紅塵身玉雪身玉雪夫何如浦
有魚兮園有蔬魚多魴鱖可垂釣蔬種韭菘時自鋤高
歌或擬滄浪變高詠或尋黃綺徒飄飄宛若飛龍駒幽

懷線難明月塵清風直欲掃糠粃兩眼豈識名利區近
時并過清江上淚濕麻衣送兄葬別家已是三十年遺
直坊前重懷愴百歲光陰非少壯此去桃源歸未歸浦
陽蕭隱悉教嬉人生有情重山岳遲尔重来把酒卮

次韻荅彭待之

是我鳴琴坐芹泮十年不調飽官飯六經一一未能窺
唯究義圖從弱冠闔闔陰陽稽造化弥綸天地資神斷
吉凶懷吝微義遠進退存亡人事慣共惟四聖契玄理
匪坐讀書增浩歎詎知流年欺潦倒齒弊髮稀昏兩盼
先生相見大苦晚甚若雙星會銀漢交親氣槩世所貴
和雄篇日何限遙吹玉笙載紫鳳恨不從之生羽翰

衣粗食淡渠未識嗤彼纏腰十萬貫浦園灌釣憩寂寞
漚鷺夷猶長作伴潛夫不協非熊兆矯首雲山足清玩
千花蕭灑臨江樓尋君日來街頭蹇余竊位儕下士
才薄不及常人優贈言有請慕回路洗耳一頓聆嘉猷

賦劉尚忠還山亭

我吟還山亭愛爾還山好眼青髯猶綠五十休官早孤
蹤去城關長嘯入煙島青松當戶宛如昔落花舊徑重
堪歸蕙帳不聞驚夜鶴池塘惟夢生春艸還山好真可
樂往者不可追今日已非昨榮利絕紛拏簪組從脫略
游雲尚知歸人事未應錯倒行逆施畏日晚嗟彼紛紛
竟何若天涯搖落秋風多射工含沙人影薄蠢然作計

河大遲每爲思之懷抱惡還山好真可夸綉衣脫却換
布衣遶舍盡日看桑麻鄰翁三五間來往絕似陶潛處
士家洞前時挽白鹿車鳥啼青澗無風沙商歌夜振山
石裂坐引北斗斟流霞還山好還山好我亦携書已十
年相從願共山中老

荅廬陵縣庠王司訓贈別兎曹之作

先生官獨冷懶誦醉時歌蕭條客舍看長劒桃樹春風
奈老何嗟蛇經濟百無術否泰盈虛惟信易南山松桂
倘可期便欲還山吟白石兎癡竟何似曾未解臨池悵
望九秋鷯徒憐一足憂從師既不遠豈惜輶相違春秋
聖經俾親執講求大義思一一清江先生吾故人生擁

皋比居大邑，闡幽微，顯嚴玄，竄連林，疊常終，夕未愧。
遙分鄰燭輝，最欣共接諸生席，惟君司明訓，有道志，伊
周窮源，沂月窟，望海登高丘，嗟我未見情，已切泥蒙近。
与兒曹別，何時相遇，一披寫，飽聆高論心，先折青原南。
望入飛雲片紙區，不一陳鷗鴻，雨然生杜若，長歌欲
和愧陽春。

寫懷用王默淵道紀韻

高樓月落鳴曉鐘，騎鯨思上蓬萊宮，年華荏苒逐流水，
白髮羞對葛嶺之青峯，緼袍未足耀朝日，叢桂聊可吟
秋風，露溥草砌啼寒蛩，霜墮榆關未早鴻，飛仙曾聞鑄
金銅，九重珠珮紛玲瓏，四方佳士如雲從，寧論千驥與

鼎鑪胡為潦倒差文窮覲顏竊祿慙疲庸九有以截車
書同時之泰芳繫其逢君在屋西我屋東何由拂袖歸
山中

雪厓先生詩集卷之四

文淵閣大學士兼翰林院學士男幼孜編

七言律詩

題吳德永悠然堂

吳家祗在宜州住，所謂伊人摠不群。
瀟洒玉壺遺俗累，離披金薤有奇文。
市塵擾擾東西隔，山色重重遠近分。
却憶陶潛題句好，高風寡逸至今聞。

聽雪蓬爲崇明州牧豐城錙伯序賦

蓬窻坐聽酒長空，慷慨幽懷孰與同。
海上晝饑嚴勁節，淮西夜入奮孤忠。
詎論郢客歌難和，浪說梁園賦亦工。
勲業艱難期樹立，千秋竹帛照無窮。

賦陳道士澗泉

脉脉遙通石竇香
泠泠長喜近山房
秋寒龍卧涵星采
春暖魚行漾日光
洗耳暫思同潁水
濯纓猶想勝滄浪
道人曉汲無塵事
要寫金丹九轉方

耕學軒伍先生邀賦

昔人曾是帶經鋤
學稼無令學業疎
久向鹿門尋舊隱
常從牛角挂殘書
秋原黍稌雲黃處
春草池塘雨霽初
亦有薄田堪自種
臨風幾欲賦歸歟

美太守祈晴有應

寒溜翻檐苦積陰
日車扶彩上穹林
四郊未忍斯民困
群望應知太守心
官舍新梅香粲玉
山田熟稻穗纒金

燮調自與神明合況是中朝屬望深

錢士荆周文瞻惠力寺留題追次其韻

松開夾道萬脩筠十里光風侶早春冠蓋雲烟來結駟
樓臺日月隱飛輪浮龜石見遺珠采伏馬橋橫映翠鄰
勝賞留題聊屬和後塵奔走愧無因

助教李叔荆寄張編脩次韻

進講晨趨白玉筵霏霏冠蓋擁雲烟天顏咫尺臨丹扆
羽衛中間立采旃演易早研先聖學說書寧愧伏生賢
昕朝圖治敷文命喜見群龍見在田

送廖尚賓入京

漕河水長綠於藍津吏晨催理去帆麟鳳在郊多士集

風雲接地聖恩覃金門載筆鑪烟煖紫陌鳴鞭旆景酣
綾誥定知新渥命即瞻喜信附泥緘

送袁景陽縣丞考滿再任興寧二首

天路飛翻綵鳳毛最書初上紀賢勞垂紳鷺序朝儀會

載筆螭頭殿陞高

時考滿者率命於殿中紀事俟選定然後去

玉琬和羹分

為藥金槩薦果賜櫻桃還官復喜還鄉好夾道松杉拂

繡袍

馬前負弩擁旌竿過領爭迎舊縣官賣劍買牛夷俗變

其地

鳴弓射鴈邑人安水柳帶雨江聲暗鹽井通潮海

氣寒坡老昔遊多勝賞遺文定許寄來看

春日共劉先生諸君遊鳳洲

飛雲不隔三山近，斷岸中分二水流。
丹洞影寒龍已去，玉簫聲斷鳳曾遊。
先賢廟貌遺焦土，舊俗人家有釣舟。
芹泮春光應咫尺，千行楊柳半城頭。

墨客侯伯俊携先世名公卿所題行卷見示因贈

龍香曾與南州貢，鳳綺猶存閣老題。
百代文章傳董賁，一時著作付潘奚。
玉堂視草春雲重，梁苑飛花宿雨迷。
沉際聖明脩禮樂，尚方宣索比玄圭。

挽周別駕子獻

王程黽勉事多違，忍見孤嫠負骨歸。
驥足悲涼憐白首，鳳音寥落惜金徽。
風烟淮水遊魂遠，燈火清江昨夢非。

聽殺啼鶻吟楚些不勝東望淚沾衣

題王彥中具慶堂

十畝槐陰覆草堂中鶴髮白如霜
齋厨膳具青精飯
夢寢衣薰紫麝香
蕉葉翻經朝學道金丹却老晚尋方
郎君載筆休衙早時共諸孫捧壽觴

樂舞生入京

玉京僊觀五雲端樂譜新翻自廣寒
羽佩晨趨朝帝闕
鳳笙夜奏祀天壇
金光不負山中約紫氣常從日下看
尊酒臨河重相送摩挲黃鵠上飛翰

楊仲恭菴隱山房

自是前朝老将家
山園何許護栖霞
雕弓畫戟成塵夢

野服黃冠感髻華應 神龍蟠寶鼎那無羸特駕柴車
黃花采采西風晚目極長天不盡嗟

寄松雲上人

金刹涼颼度篠階醅醕曾契上方齋聞來入社非無分
老去尋山謬有懷龍戶遺珠浮水洞鳳梢殘墨照陰崖
紙囊分得孤山品絕勝南州石斛釵

題胡士璉使鬱林圖後

鬱林西下灘水清吳鉤雪色照長纓畫圖半幅遠人意
雲樹千重歸客情貢賦盡輸南粵負登臨更上柳州城
自緣使者知風土只在忠勤答聖明

題錢舜舉山居圖

錢選風流妙天下粉圖半幅重千金青山鳥道白雲棧
赤岸人家紅樹林六著畫閒誰是伴長鏡歲晚亦何心
洞門倘許來雙屐不負瑤華寄好音

霰雪次松房韻

臘月南州苦霧消寒更江郭霰珠跳繁聲亂屋驚鴛瓦
碎顆侵床冷鳳綃有客兔園催授簡無人金帳坐焚椒
預知滕六先施巧摠待飛花散九霄

水西舊隱爲宜春夏仲寅賦

茅堂瀟洒傍江沙此是前朝進士家俎豆烝嘗存典禮
弓裘迷作繼才華盈倉婁獻門生粟掃徑時來太守車
猶記昔年多雨露木奴千樹長新花

次錢太守相公韻

一經自愧忝儒官，早候旌車接近權。
政簡即看三邑治，化行先喜四民安。
宮花錫宴分春色，葵寢凝香護曉寒。
疊疊官箴寧敢誦，高吟自足視枵糜。

僧錄宗昉荅蘇平仲詩四首，因次其韻。

西竺還

聖主恩覃萬國歡，貝書親捧幾年還。
四方風俗今同軌，北闕朝儀每異班。
一宿安禪踰寂寞，六時行道自循環。
就中色相誰能識，流水白雲多在山。

寶臺雲擁玉闌曾，千葉金花繞鏡燈。
龍女珠纓空外見，象王法駕日邊乘。
丹青草樹迷香土，錦繡烟霞覆衲僧。

我欲上堂親聽法三生結習竟何能

白雲秋水滿江南尤愛清風寄一閣書下曉從丹鳳闕
飯來晚出木魚龕維摩病室曾親到大士真乘許獨參
四海維熙同善治賜官又喜帶新銜

官居寵秩等儒臣瀟灑金門復幾人萬國幢幡尋帝釋
五天樓閣固皇仁珠函講遍無遺字金策朝回有賜銀
貯得上方甘露水願分一滴到疲民

次韻太守相公遊慧力寺

官曹收印簿書閑五馬蕭蕭度半山夾道松筠砑出色
上方猿鳥亦怡顏已聞題句登臨後尚想留衣紫翠間
愧我臨池多未暇可勝淦望倚巔巔

石泉風磴隱脩筠寶殿晴開日正寅流水櫂隨車馬至
好山多與衲僧隣金銀境界元非舊草樹天香別有春
尚憶河東賢太守至今遺墨付斯人

西老詩贈新喻羅西玉

居原

渝上千峯擁百原故家文物至今存過眉鳩杖堪扶老
積按蟬編只課孫石髓每分食玉碗苔紋日長蒔花盆
待余携手空同上更約安期與共論

謝民瞻東山杏隱

昔聞江左謝公墩今見清江有子孫勛業一時餘汗簡
衣冠千載重清門藥鑪伏火烟霞近玉樹臨風雨露繁
猶說能醫同相業不妨種杏滿江園

題廬以忠玉鑑池館

池館清幽似鑑湖，玉光浮日動氍毹。
臨流觴豆蘭亭集，列座衣冠洛社圖。
露下蘭苕栖獨鶴，風漂荷葉浴雙魚。
雲山不在瀛洲外，何日同驂太乙輿。

艾子才環翠山房

玉筍千峰錦綉堆，林居寧籀翠屏開。
藥欄引蔓侵書幌，石竇飛泉入酒盃。
詞客或留蟲篆去，山人時駕鹿車來。
挂冠已喜歸田早，魚鳥相看總不猜。

湖山雲錦堂為南昌劉肅賦

我愛湖山雲錦堂，湖光山色兩微茫。
蒼龍擘陝晴烟濕，白鳥緣波暑雨涼。
投老巢松思李白，放情載酒憶知章。

道人燕坐無絲竹手閱金經炷好香

次韻聲之先生感秋

百二河山明日月秋光冉々淨飛蓬銀河夜下金莖露
玉帳晨吹畫角風龍馬負圖詹聖瑞麒麟遺像識英雄
書生戀闕心尤切擊壤酣歌共老翁

學館廻翔幾十載徃來深識故人情山林潦倒非無用
江海風流亦有聲筆硯治生雙髻短功名蓋世一毛輕
太平誰似堯夫好行處依稀似洛城

白雲爲宇月爲扁階下長年草自青愛客祇陰嘉樹傳
課兒猶講大玄經閒將樂石裁琴薦自壓糟床注瓦甌
送老湖邊無一事百年心迹寄流萍

自笑貧家不識愁年，耕種在山頭辛勤衣食聊隨分。
落魄詩書信幾秋，春雨林邊三畝宅，西風江上一虛舟。
投閒應有投簪意，何待金錢買小丘。

一簾涼冷曲江頭，幾見江城出土牛。玄豹林深藏霧雨，
蟪蛄樹老識春秋。親交未說甘如醴，直道寧慙曲似鉤。
珍重諸公都好在，忘機長和伴輕鷗。

次韻匏菴中秋之作

彩雲銷盡碧天垂，坐愛南樓夜景遲。疎影婁回烏鵲樹，
清光偏滿鳳凰枝。蒼龍自昔通牛斗，列宿何人應尾箕。
慷慨未須驚節物，且題新句寫烏絲。

將歸呈敬仲王太守相公

旅館西風白苧秋鄉山南望日登樓菊荒三逕詩堪續
節近重陽酒可籌久客漫傳烏鵲信還家已弊黑貂裘
文章太守應知己欲訴閑情半是愁

壺洲圖為道士徐穉本賦

金莖花照海波清圖畫分明似玉京雙鳳畫隨天影下
六龍夜送日光生烟雲紫翠連三島樓閣青紅接五城
亦欲凌風振霞袂仙丹為問幾時成

貼上清道者何仲旭

送君花下寫鸞箋官舍重逢又五年自信尋山因避俗
誰知行地即成仙麒麟日月瀛洲外龍虎星辰紫極邊
許我夜寒分半榻竹爐生火共談玄

贈劉志清之五羊省伯父

弱冠才華玉雪清，錦帆兩月發瑤京。
名家勛業尚書澤，遠道勤勞伯父情。
島樹經霜銷瘴霧，海花墜雨送潮聲。
市闌多士遙相憶，有待都門賦早鶯。

贈中和老人

越中老人年六十，心似孤雲身最閒。
濯足慣聽湖上雨，振衣常對海門山。
兒能荷篠事畊種，客喜抱琴從往還。
松下芝花應五色，庭須躋櫝到人間。

王彥常雲谷

白雲窈窕見雙峰，翠谷逶迤復幾重。
採藥自知幽徑孰，看棋猶恐世人逢。
千年老樹巢仙鶴，六月寒岩卧雨龍。

愧我何時稅塵鞅青鞋布襪日相從

夜宿敬仲太守宅贈道士陳澗泉

天風吹面髻氍毹鶴背懸澌雪正開仙袂凌空蒼玉動
錦箋題字煖雲迴山中藥訣藏丹檢月下簫聲散紫臺
寒夕暫留公館住却疑清夢遶中台

執法居敬胡先生雪詩次韻

松頂垂垂玉筋纖瓦溝的的水晶鹽名姪勸酒歌金帳
紅女停針望繡簾坐咽蠻氍毹乳舌旋調金盃蔗漿甜
晚天未覺回新照寒雀紛紛噪畫簷

庚申正月二日雪袍閣來過戲簡

油鞋竹杖海南笠靈澤樓前看雪來老大精神逾廩冽

新年毛髮更毵毵未知灞陵詩思苦尚憶山陰興盡回
日晚送君關下路海天何處是蓬萊

次韻松房上人寄太守之作

旃檀樓閣舊栖禪珠綴金幢白玉筵問訊數煩明府駕
齋居長誦梵王篇每懷陶陸成三笑未愧山王擬七賢
何日蹇驢同出郭野橋村巷縱吟鞭

清江文學掾周子獻先生自京師歸復還廬陵
贈別得聲字

日照江梅衣袂清路乾風軟馬蹄輕束書已遂歸田計
解組何勝戀闕情錦橐龍紋餘賜幣璇霄雁塔有題名
長歌擊壤青原下彷彿遺音接頌聲

庚申新歲三日大雪

庚申紀歲開三日大雪平鋪二尺深客裏不妨門獨閉
街頭猶恐路難尋葛峰面_一如葱領荻港叢_二似柳林
預想年豐宜作瑞太平風景又從今

郡署奉陪進新歲賀表

雪霽官衙曙色催佩聲初動鼓如雷元正表進嚴藩府
紫霧香霏遠上台懸綵遠臨江驛柳開函近映玉堂梅
小儒幸忝春班後北望何由奉壽杯

奉次匏閣新歲聞雷感懷之作

殘雪封泥尚滿城樹頭雙鵲報朝晴郡符新下垂條教
鄉飲初行序老更山塢日妍挑臉嫩漕河風煖蔣芽生

昨宵忽聽春雷動却憶村田候早畊

贈張本中自通州衛賚二百戶誥入蜀時便道過家

峨眉西望極天長海戍還家又趣裝官馬曉駟緣鳥道
使星夜轉度銀潢營連帟衛雲烟靜誥捧鸞綾日月光
聖主覃恩無遠近歸期會見早爲郎

贈胡孟節之嘉興文學掾

曉捧除書出九天彩雲飛送淞江船濟南講席遺經在
安定名家世業傳夜雨蟲鐙懷耿々秋風鷗鷺自翩翩
聖朝教育恩尤渥長誦菁莪近日邊

戊午郡庠除夕

羣根霜白角觥寒獨夜江城歲又闌
百里未歸仍是客
一年多事強居官
鐙前爛熳椒花頌
案上蕭疎肯宿盤
擁被不眠瞻曙色
春班早擬正衣冠

敬仲太守入覲

柳外雙旌擁畫船
遠持使節再朝天
光瞻玉座龍衣近
序列彤庭鷺羽鮮
銀管特書奉奏最
宮壺錫燕喜傳宣
上林春色偏宜賦
雅句尤多照錦箋

贈樂舞生赴潭王府教樂

紫綃衣上繡丹霞
寶殿晨趨帝子家
觀樂定來吳季札
築臺仍見漢長沙
湘江鼓瑟游魚近
緱嶺吹笙舞鳳斜
注目釣天渾只尺
凌風猶想載河車

贈楊生伯原赴章貢軍府從事得朝字

儒冠直許換兜鍪，上府馳書早見招。
行色蒼茫連浦樹，才華掩冉照蘭苕。
虎符曉下催飛羽，玉帳秋閑趣射鵰。
千仞鬱孤南望遠，為言送爾在今朝。

送道士江澄心入京尋其弟子

遠遊仙佩接飛霞，東望蓬萊近日華。
丹鳳威靈藏瑞檢，青牛度雨載輕車。
玉樓夜聽瓊簫合，銀闕晨瞻綵旆斜。
弟子于今承寵渥，明朝待醉碧桃花。

種德堂為新喻胡學敏賦

有男在

虎卧閑門長薜蘿，高情瀟灑近如何。
雨香石楠春萱茂，風煖山園曉杏多。
墨洒錦箋來好句，方題金匱起沈疴。

知君種德由先世濟物長教善不磨

邑稅使賈惟中考滿之京

金水亭前理去舟秋風嫋嫋思悠悠離筵酒盡茱萸泔
旋旆涼生杜若洲仙掌日華瞻鳳闕五城雲氣望龍樓
明時政爾須材急考最寧煩久滯留

奉送錙復元應辟東上

江上秋波如練光逢君雙鬢已蒼浪半生蠖屈待時至
千歲龍文寧久藏行色匆匆隨計吏直詞諤擬封章
山人頭白應多少為爾酣歌一慨慷

夜讀元史

先朝垂統百年餘今代淒涼太史書禮樂治衰時已矣

忠邪論定事何如幽燕雪暗河關廢豐沛雲寒廟貌虛
俛仰人間如夢寐燈前展卷一歎歎

次韻答陳隱君伯淵

江浦雲飛思渺然美人望隔晴川山房石室秋風外
野市旗亭夕照前入饌味甘銀鱸美泛杯香烈紫萸鮮
一門羣從多才俊日想題詩和共傳

又錄事元暉貽示牡丹之作次韻

艷質繁華祢妙齡綺叢富貴壓瑯屏香分近席輕裾染
色映長衢結駟停錦幄曉籠疑縹緲翠裙晚折愧娉婷
東風載酒須同賞肯信流年髻欲星

楊妃芍藥

留得餘酣到晚春風流百媚似前身玉樓燕罷粧新妥
銀箔香銷臉未勻映日尚疑翻舞袖倚風猶似蹋芳塵
恨無李白清平調詠賞徒教付後人

送道士何仲旭還上清宮

鶴唳秋思海天清千里歸帆幾日程石室復尋丹檢祕
玉山遙泝紫烟明星沉積水窺龍戶月落長松聽鳳笙
堂上老仙煩問訊願求半幅寫蓬瀛

秋懷二首

寓酒湖作

斗柄西瞻一月過浮雲流水謬嗟馳鳳笙閑奏從誰聽
梁燕高飛柰客何金井有聲秋思悄紙屏無恙晚涼多
寸懷未寫成孤肅落日長江湧浩波

西城百尺俯澄江，上孤亭合小窻。秋月自傷千里別，
春濤誰使寸心降。騏驎路暗殘金勒，翡翠沙寒棄玉缸。
過客凭闌倍惆悵，晚來從駐木蘭艫。

山陰寓新淦城南村居寄簡

江峯秋晚暫停車，來往城南數里餘。山路酒旗村客店，
槿籬門巷野人居。頻花半白閒堪採，柿葉初黃淨可書。
前日小窻煩見顧，高文示我意勤渠。

山陰見和之作

西風落木駕柴車，滿郭浮嵐夕照餘。綠酒蘭燈留
小閣，青綾筠簟夢幽居多情。宋玉偏工賦，白首虞
卿謾著書。欲寫鸞牋酌藻句，玉蟾分水向秋渠。

寄黃徵君用泰

鑑湖常憶伴幽栖，列屋圖書萬軸齊。
松服繞池晴浴硯，銀燈照雨夜分題。
竹林幽賞琴尊在，栗里孤吟歲月睽。
盡夕文星南望久，銀河不隔數峰西。

哭鄒士烈

薄宦崎嶇接海濤，魚鹽荐領嘆賢勞。
扶搖無路追鵬翼，文采何人惜鳳毛。
雨灑銘旌新粉字，香銷薔露舊緋袍。
為君揮涕西風裏，強賦招魂續楚騷。

寄李彥澄

瀕江小市驛樓邊，不到君家又隔年。
看劍每懷金白雪，停杯誰共理朱弦。
金波雨霽雙龍躍，碧漢風清獨鶴旋。

何日再尋南陌路與君盡醉百花前

贈別宋允原曾子家應辟之京

州人共指孝廉船五月揚帆向日邊
太守掄材親勸駕聖朝圖治渴求賢
羽儀瑞世瞻雙鳳勅賜恩袍想九天
喜信泥金須早寄郡齋東望意長懸

廖氏壽母

寶釵珠佩滿簾前婺女浮光入玳筵
花甲從頭年六十蟠桃結實歲三千
娛情永晝含飴樂繞膝春風戲綵鮮
惟昔閨門多令則母儀尤見慶綿

贈別永新知縣四明烏斯道謫輸作赴京

去年鳬舫獨朝天今日重逢倍惘然
世故銷磨身夢老

匪途頓頓道難全
州人惟誦甘棠什
詞客空傳白雪篇
滿地涼風嗟又起
愁吟九辯送征船

山陰先生遣中贈別

凄其霜露客衣單
扣劍悲吟話別難
幾日孤帆臨淦水
一家千里向長安
山中草樹猿聲曉
海上烟雲蜃氣寒
令弟已聞來奉母
不須回首泪闌干

哭鼎亨觀亨時觀亨死貴州鼎亨負其骨以歸
至贛州而鼎亨相繼歿同侶鄒子善以其兄弟
合一棺而葬焉

弟兄生死共追攀
携手南征竟不還
白骨並藏秋草裏
旅魂同泣瘴鄉間
晨霜慘裂黃茅洞
夜月愁迷白水山

目斷孤鴻唵楚些兩行血泪染衣殷

布政掾宋子秀具慶堂

蕙竹連陰覆翠微夫容絢彩照庭闈
旨甘取具時調膳寒燠脩常曉問衣
雲漢月高光耿々壽鑪春暖氣霏々
況逢幕府追趨日上相同瞻玉樹輝

贈醫者陳漢卿

君家遙住碧雲深雲際離々杏滿林
采藥不逢山鬼識校方常許異人尋
石屏曉霽看秋色竹屿涼歸愛夕陰
見說煩痾盡蘇息丹沙久欲化黃金

江漲

東南水滿漲平湖洶々如雷萬壑趨
蹴岸每疑翻地軸

浮空直恐撼天樞
飢罷嘯雨檣帆少
獨鶴歸雲島樹孤
眼底何時復清淺
騎鯨我欲問麻姑

夜泊舟玉峽簡艾錄事元暉

龍女祠前晚繫舟
霜月暎寒流
人情萬變誰青眼
世故千端自白頭
孤館相逢年冉冉
短篷對語夜悠悠
城南十載論交地
詩酒何年繼昔遊

洪楊一茂省文節公萬里祠堂于廬陵

二百年前丞相宅
離離碧草上階生
立朝大節丘山重
許國丹心皦日明
鼓角雲霄秋塞淨
旌旗風雨暮潮生
諸孫此日尋桑梓
薦祀惟看舊鼎銘

松房上人挽者歌

房前松樹偃西枝鐵馬昆侖去幾時香閣雲銷經卷掩
燈龕月在寶幡垂衆中留偈空千劫何處重來有萬期
最憶平生詩盡好祇園無樹覓瓊枝

奉和松房題東山杏隱

杏林雲樹接烟霞一徑陰長土花丹頂養成千歲鶴
黃金煉就九還砂人疑匡昇神仙宅我憶東山宰相家
鎮日下簾無箇事彈碁賭酒寄生涯

謝孟正訪譜筠之石頭渡

桑梓陰森滿故園百年分派憶同原石頭譽望衣冠盛
江左風流譜牒存自昔本根推葛藟至今玉樹照清門
宣
詞采傳三謝好共諸昆與細論

九日閤皂留題

磴道千尋風滿林洞門無鎖下秋陰
紫臺鳳去天關遠丹井龍歸地軸深
野老尋真渾有意道人謝客亦何心
一尊底處酌佳節俯仰山靈慨古今

用杜紫微韻重題

洞天深處白雲飛學道何如馬子微
詞客暫騎青鹿至仙人不跨紫鸞歸
壇虛八景圍秋草峰似三茅掩夕暉
獨采黃花嗟望久自題青壁拂苔衣

錢太守彥忠哀輓

謫戍五溪

五溪烟霧送殘身誰弔湘纍放逐臣
燕寢香銷遺畫戟素衣眼暗盡緇塵
傷心故國游魂遠俛首戎行涕淚頻

父老朝來南望久逢人猶說政如神

題伯達達泉卷

秀徹分明玉雪姿長空一道寫天垂
秦人避地何曾到漢使窮源竟不知
量狹滄溟真有本影涵皎日故無私
春風曉漲晴波暖早覩神龍化雨施

次韻吞松雲上人

書屋蕭蕭接杏壇隨時生事寄瓢簞
文章不及黃金貴容髣空慙曉鏡圓
同舍酒香期盡醉故人書到喜加餐
幾時來訪南山老願借禪床一宿安

用前韻簡竹所

青燈午夜坐詩壇
臙酒盈尊肉滿簞
簷鐸風傳蒼玉韻

盆池凍合水晶團。敝衣百結憐華髮。小枝雕蟲愧素食。
斯代遭逢何以報。皇圖惟祝泰山安。

寄德昌劉先生

一歲曾讀寄來書。遠道何由問起居。不為窮愁憐杜老。
只緣多病憶相如。生涯落盡孤鐙暗。心事悠閒白髮疎。
稷下賴君傳正學。莫教投老遂懸車。

再贈錢士荆婦先相公骨于吳越

青山不盡孤臣泪。白日尤悲孝子心。關塞遊魂千里外。
松楸歸骨九京深。風雲夢散終何事。天地愁來總不禁。
先得軒中舊時物。忍將別酒酌江潯。

聶氏餘慶堂

兩朝科第數華腴逢掖輝光照乘珠金石紬書漢太史
關閣正學魯真儒青門五色存瓜瓞丹穴雙飛起鳳雛
手拂銀牋拈彩筆試將家慶寫新圖

臘月廿八日郭道紀席上次聲之韻

學館西頭無百步仙家時得共青精此日淹留未覺晚
殘年來往只宜晴稍看山脚凍雲合已見地皮春草生
欸々持杯噲未足不妨吹徹紫簫聲

新元待漏之作

坐擁匡床酒未醒默聽鼙鼓數更聲已過殘臘丙寅歲
最愛新元壬子晴海嶽遙呼聖人壽雲霄惟望泰階平
何當擎壤娛黃髮未愧田間老一生

元夕監稅趙行素席上賦

吳興公子愛敬客列籍西窗待晚晴
趣台鞍韉煩再至淋漓衣袖欲三更
東風簾幙春如海大地星河火作城
欲記金錢盛時會題詩猶雜蹋歌聲

滄洲詩

山人結茅住滄洲白雲共棲山更幽
酒船元不限弱水梅花開處似羅浮
浩歌慣尋溫鷺社長嘯豈知天地秋
拂衣明日上南斗老人星下躡蒼虬

送袁州常指揮扶先相公觀歸葬和州

南州祗說舊將軍羽書疲馳曾樹勛
蟠花戟袍雙鳳尾倚天長劍七星文
一朝壯士泪如雨丹旄東歸愁暮雲

麟閣他年見圖畫要將忠孝荅明君

山川壇作

壇畔齋居似小龕曉分福酒亦何慙
草痕已共雨痕綠花氣更兼春氣酣
茂宰材猷推單父聖朝治化美周南
遙詹歸騎松篁外徒步東風雪滿簷

送趙行素入覲且有懷山之想

三月船頭花正飛殷勤相送著朝衣
高梧鳳去翔天路細柳鶯聲遶帝畿
對酒未應相憶遠逢人莫使寄書稀
稽山湖上千秋宅猶想于今菜蕨肥

題顏存禮杏林小隱

每活一人種一杏只今千樹滿雲端
只尺丹成化雞犬

尋常虎卧識衣冠不妨芝草日同長并掃松花亦可餐
早晚渡橋與攜手共扳朱寶露團團

雷伯彥省祖鄉渝上再還潛江

桑梓依稀生夕烟松楸零落白雲邊藏書爲問善和里
遺表再讀瀧岡阡父老相看渾隔世鄉關此去又何年
送子江頭百憂集我亦携書雪滿顛

和袁太守伯遜九日郡庠之作

九日登臨苦望鄉十年白髮老虞庠舊書季考空殘墨
新試寒衣未著香塵世何心聊一笑黃花有分且持觴
却懷去歲題詩處葛領蒼二正夕陽

茹參議索題五老峰

五峰昂藏如五老共騎白鶴下長空遙依日月往來外
早見乾坤開闢功濯髮玉盆分雪瀑結巢翠壁倚雲松
錦袍仙人留句在愧我登臨賤未工

寄趙行素病中

經句收印卧匡床西閣承塵日易黃藥裏頻煎上池水
臍芻多貯鬱金香悠悠心事從誰語書來復幾行
寂寞瑣窗憐瘦損爲君吟罷九迴腸

贈何賢良孟中

銀燭燒殘刻漏深梨花院落夜沉沉
不是相如薄倖心雨意半晴催柳色月痕一棹轉花陰
送君明日京華道無限離亭長短金

送人入蜀

昔人盡說錦城樂此日休題蜀道難
邱閣高低流馬廢江船上下石犀殘
子雲舊宅荒秋草丞相祠堂掩暮寒
擾、時人多射利古來塩井未曾乾

挽西昌蕭民樂

民樂先生今已矣悲涼不忍讀銘文
高梧鳳去采雲散宰木鴉啼西日曛
豈以薦名隨使者只將遺業績河汾
草堂不壞山靈在藉飯何因採澗芹

匏闇先生哀挽

遺直坊前春日陰重來無地可追尋
芒鞋竹杖絕行迹山月江風誰與吟
薤露歌殘天地老杜鵑啼徹隴雲深

忍看前輩風流盡目送靈輜淚滿襟

戊辰三月十六夕同彭待之宿周存誠宅分韻
得江字

雨窗燒燭坐西窓話盡平生語轉唵畫障題來留醉墨
歌詞唱徹換新腔夫容出匣應千歲玉樹臨風信少雙
自笑相逢今白髮由來文獻重清江

淵乎道院書趙文敏公蘭亭跋偶成

神仙宅前江雨霽夏寒猶未脫羅衣
榷几凝香硯池滑冰盃點鹽梅杏肥石竇雲深龍獨宿
華門風動鶴初歸王孫數帖蘭亭跋醉墨淋漓何是非

送趙行素翰林京師

上國輸征歲有程沙頭立馬若為情越中譽望推文物
浚內交親摠弟兄鳳渚烟青春樹遠龍河雨霽晚潮生
旅懷浩蕩應千疊日有新詩自紀行

宋仲觀尋親荆湘而負骸以歸題其卷末

尋親跋涉南中去負骨崎嶇此日還入夢旅魂應解語
染衣血泪盡成斑饒蛟浪息經湘渚啼鴉雲深出楚山
故里只今松楸在不勝朝夕痛號攀

方壺上清道士過舒州題于忠宣廟因用韻
以攄余慷慨云

枕戈待旦此何時廟食于今尚有祠獨守孤城百戰後
力扶宗社萬年基丹心炯炯終無盡世事茫茫不可期

江水東流自朝暮無情也解使人悲

題蕭濟藥室

奏疏親曾上玉堂歸來毛髻已蒼浪石闌點筆看遺帖
丹竈燒鉛校舊方曉罷天風叢桂老夕分蟾露紫莖香
摩挲銅狄三山近欲共吹簫翳鳳凰

為友人覓西原紙

老夫近有臨池興為覓西原紙百番片
二蘭文明雪浪重雲葉熟槌痕繩樞草舍雖徒尔玉璫銀鈎或許言
萬斛明珠無以報且留清事在文園

春日度江訪黃隱居

困人春氣濃於酒竹嶼花潭且共遨天際烏檣輕似葉

石邊漁屋小如舟，迂疎未許時人識。寂寞寧知隱者高，
金谷園中富桃李。由來不數石家豪。

再移席亭上酌

庭下金沙花未開，晚春酌酒許重來。情懷真率不多見，
詩句粗疎為少才。黃鳥喚人來遠樹，白雞哺子啄蒼苔。
剡溪乘興君知否，又向沙頭棹月迴。

陪祭社稷偶成

社雨過壇纔數點，青松著處已如膏。三更漏水催銀箭，
一縷濃香繞翠袍。未愧班行從下士，却思徽載在東臯。
老農細聽丁寧語，十角黃牛勝佩刀。

慶談伯達新居

繡簾碧瓦迎初日崇德坊前節義家翠墨回鸞懸舊榜
綠陰繫馬駐輕車春風門巷多栽竹盛日園林又種花
三復斯干隨賀客便將歡賞慶韶華

送吳彥恭之京兼寄高博士廖助教

東郭先生有薦書又從上國曳朝裾漕河解纜涼風動
官道鳴鞭暑雨初直愛才華同錦繡由來光價比璫璵
故人十載成均學猶抱遺經究魯魚

杏莊

賣藥仙翁惟愛杏倚雲千樹手親栽花時有客將車到
子熟何人候虎來自許伸功如董奉祇疑清境似天台
紅陰匝地春香滿列籍無因共酒杯

七言絕句

冬夜

高閣鳴鈺夜漏長
斷鴻嘹唳獨南翔
朔風颭吹窗紙
隙月斜明白似霜

新年送淵乎酒山藥二絕

春酒分來分眉壽
不慙仙釀九霞杯
海枯石爛人長健
日向瑤池醉幾回

呼兒斲得山中藥
持獻蓬萊閣上仙
要比松苓壽千歲
併隨柏葉入新年

盧彥輝邀賞芍藥彭待之索賦絕句

昔年曾看花如斗
今日看花白髮多
學圃軒中坐風雨

猶能把酒送清歌

題所翁龍

所翁畫龍有神助頭角斬真雄
哉蜿蜒下吸洞庭水飛入太空雷雨來

題牧溪市

牧溪道人愛騎市慣寫雄姿向筆鋒
山空月明百獸走一嘯萬壑生長風

題天師像

留侯之孫古仙伯指揮日月駕風雷
吾嘗候之玉局上忽自洞天騎鶴來

春日遣興

長江過雨春始波近日稍見魚兒多誰知斯人有高興
驚爾懷山將奈何

題瀟湘墨竹

移船曉度湘江雨黃陵廟前春草萋紫幹凝香鳳簫斷
不勝南望翠眉低

題墨蒲萄

淋漓玉露滿長條長隨家釀供酒瓢曾記移根歸內苑
月氏冠帶盡來朝

早作候太守不至紀實廿八字

曙色熹微月似鉤銀河淡一星流起來自拂階前石
坐看飛仙過十洲

書屋先生詩集卷之五

文淵閣大學士兼翰林院學士男勿孜編

雜著

文公祠堂上梁文

伏以三代之學皆所以明倫惟庠序之設久矣聖人之
居若此其甚近有賢哲之祠在焉蓋徽國承道統之正
傳而臨江存流風於過化是宜崇棗枲於板蕩瓦礫之
後陳俎豆於太平黼黻之時山川爲之發祥士子以之
出色共惟先正大師徽國文公先生稟乎光嶽之秀氣
生于文獻之舊邦以真儒爲百世之師得大舜精一之
指因此心明上天之理悉孔孟性命之言故其著述也

穿穴於群經其緒餘也并包乎子史太極之解有功於
濂洛感興之作無愧於風騷如金科玉條如雲行雨施
真賴以正天下真所謂集大成而不幸見忌於讒邪當
立朝之際暫入而復出然必力行於教化故典郡之日
去久而愈思雖關時運之不齊益見夷險之一節是則
仁為已任孰曰而由人乎於戲千五百年復覩在郊之
麟鳳自此彌億萬載咸仰在天之日星沒而祭之者崇
德而報功有其舉之者禮可以義起每顧瞻於遺像恒
怵惕于余懷遂白之上官僅復室寢之舊制乃成之不
日儼然氣象之一新式以昭於事神粗可脩於綿蕝敢
申鄙語敬告良辰

上梁東江水朝宗逝者如斯四海攸同
上梁西悠我思歲寒松柏鸞鳳所棲
上梁南廟貌是瞻申天嚴兮若臨
上梁北書臺千尺仰之彌高緬懷遺迹
上梁上道非象罔天何言哉如指諸掌
上梁下渠庠舍博學於文時雨之化
伏願上梁之後坤珍效圖人文協吉蘋蘩蕝藻可薦尚
祈靈響之不違書策琴瑟在前猶想儀刑之如昔大明
文治永贊皇猷

住上人松雲贊

并序

半間上人主大方法席并持諸方教事為禪南宗其別

號松雲聲之盛先生繹其義而說之文辭縝瞻旨意深
遠非淺渺者可擬余何庸喟然忝游好之末又可默而
已耶謹為之贊曰

千歲而厲冰雪者泰山之松一朝而雨天下者泰山之
雲其實弥貞其用孔神爰有丈人紺目金身與松為友
與雲為徒以之而吟嘯以之而栖遲蟬蛻濁世睥睨八
區曾不知吾之非松非雲而為松為雲耶邈其高風叢
林之師

佩韋齋銘為趙行素作

行素會稽人系出趙宋司征臨江始與相識察其容貌
詞氣飄然有故國公子之風而虛懷好士甚若飲渴

嘗曰余性亢朗遇事稍下急未能無少過取一韋佩之
顏其齋曰佩韋庶幾西門豹之意也余聞而違之謂曰
君可謂知過而能改者矣為作佩韋齋銘曰

謂韋之柔也而柔足以制剛毋曰弱而必強謂韋之緩
也而緩所以輔急毋曰懦而不及中立不倚于以全吾
之天苟伐性而害事鮮不由乎一偏是故昔者西門豹
氏取韋而佩焉匪悍匪激以糾其惑其虛其邪聿脩厥
德韋乎：朝夕相與周旋左右而弥縫上下者吾知
其奉命喻教於君子豈曰小補之哉

慶堂銘有序

李慶甫居清江蕭州之北堂之扁曰慶慶甫善人也易

先生、去何許不來愁我腸、涕滂、劉先
生、去何許不來傷我魂、涕漣、因以招之

金先生詩集後序

昔余聞清江聶器之先生論文曰文
豈易言哉苟不得於道而徒尚乎辭
則不足以名世示後然君子之於文
豈徒以名世示後而作邪亦惟明道
見志而已近世作者固不乏人而清
江之名能文者惟劉永之仲脩其人
也仲脩既歿世矣其友人金守正先

生之文與仲脩合轍可尚哉時先生
之子幼孜從游器之余因獲交焉至
于今三十有六年矣而幼孜亦以文
章拜學士論思密勿黼黻

至治遂蒙推

恩以及其親先生得贈奉直大夫右春
坊諭德存歿有榮耀焉初先生文集
石門梁先生編脩張先生與吾鼎先

生蓋嘗爲之序矣今幼孜復集先生
之詩若干卷將鋟梓以行且徵余序
余雖不獲見先生然聞先生篤實君
子也博究群籍雖老不勸故其爲詩
溫厚而和平深沉而有思殆所謂安
於素履而涵泳乎道德者也信乎其
可傳於後矣譬之深林大壑古松脩
篁清風徐來鏘然成韻視彼落花依

草點綴映媚翡翠蘭茗纖麗輕盈者
可同年而語乎哉若夫先生平生之
造詣見於梁張聶三公之序文余不
復贅姑述所聞僭爲後序云

永樂十九年歲次辛丑十一月朔日
朝議大夫國子祭酒兼翰林侍講
國史總裁豫章胡儼序